

आकाशवाणी

खबरां -----

1. प्रधानमंत्री नरेन्द्र मोदी होरें ब्रिक्स शिखर सम्मेलन च आखेआ ऐ जे कुसै बी मुल्लख गी महत्वपूर्ण खनिजें, तकनीकें ते आपूर्ति श्रृंखला दा अपने निजी स्वार्थे लेई थेआर दे तौर पर इस्तेमाल नेई करना चाहिदा। उंनं ब्रिक्स मुल्लखें गी आखेआ जे ओहू पूरी जिम्मेदारी दे कन्नै किट्टे रलियै आर्टिफीशियल इंटेलीजेंस दा इस्तेमाल करन।
2. भारत नै आखेआ ऐ जे ब्रिक्स नेताएं दे घोषणा पत्तर नै वैश्विक दक्खन दिएं मती सारी चैंताएं गी उजागर कीता ऐ।
3. अमरीकी राष्ट्रपति डॉनल्ड ट्रंप होरें चेतावनी दिती ऐ जे उंदा प्रशासन, ब्रिक्स दी अमरीका बरोधी नीतियें दे रूप च इकजुट होआ करदे मुल्लखें उप्पर 10 फीसद दा बादू शुल्क लाग।
4. रक्षा मंत्री राजनाथ सिंह होरें आखेआ ऐ जे हाल च गै ऑपरेशन सिंदूर दे दरान भारत दे घरेलू उपकरणें दी प्रदर्शन क्षमता नै स्वदेशी रक्षा उत्पादें दी वैश्विक मंग गी बड़ा बधाई दिता ऐ।
5. कोयले ते खानें सरबंधी केन्द्री मंत्री जी. किशन रेड्डी होरें आखेआ ऐ जे केन्द्र सरकार ने खानें सरबंधी खेत्तर दे विकास, जन कल्याण ते पर्यावरण संरक्षण लेई केई महत्वपूर्ण सुधार कीते न।
6. मुल्लखे च करोआई जाने आहली मरदमशुमारी दे दरान आपूं अपनी गणना करी सकने लेई इक समर्पित वेब पोर्टल उपलब्ध होग।

<><><><><><>

प्रधानमंत्री नरेंद्र मोदी होरें आखेआ ऐ जे कुसै बी मुल्लखै गी महत्वपूर्ण खनिज, प्रौद्योगिकी ते आपूर्ति श्रृंखलाएं दा अपने निजी स्वार्थ लेई थेआर दे रूपै च इस्तेमाल नेई करना चाइदा। रियो डे जनेरियो च ब्रिक्स शिखर सम्मेलन दौरान संवाद सत्र च मोदी होरें आखेआ जे महत्वपूर्ण खनिजें ते प्रौद्योगिकी क्षेत्र च होर सहयोग देइयै स्पलाई चैनै गी सुरक्षित बनाने पर ध्यान देने दी लोड ऐ। उनें आखेआ जे ब्रिक्स न्यूज डिवेलपमेंट बैंक परियोजनाएं च मंग आधारित फैसले लैने, माली स्थिरता ते बेहतर क्रेडिट रेटिंग बनाई रखने पर ध्यान केंद्रित कीता जाना लोडचदा ऐ।

<><><><><><>

PM Outreach BRICS add

प्रधानमंत्री होरें आखेआ ऐ जे लोकें दी तरक्की ते कल्याण, व्यापक तौर पर टेक्नोलाजी खासकरिये 21मीं सदी च आर्टिफीशियल इंटेलीजेंस पर निर्भर करदा ऐ। श्री मोदी होरें ब्रिक्स मुल्लखें गी आखेआ जे ओहू किट्टे रलियै आर्टिफीशियल इंटेलीजेंस दे जिम्मेदारी कन्नै इस्तेमाल गी जकीनी बनान। प्रधानमंत्री होरें नमिं काहडें ते शासन बवस्था बश्कार संतुलन बनाइयै अगगे बधने दी हिमायत कीती।

<><><><><><>

India BRICS Leadership

भारत नै आखेआ ऐ जे ब्रिक्स नेताएं दे घोषणा पत्र नै वैश्विक दक्खन दिं मती सारी चेंताएं गी उजागर कीता ऐ। रियो डी जनेरियो च ब्रिक्स शिखर सम्मेलन दे पैहले ध्याडे दे सम्पन्न होने परैन्त मीडिया गी संबोधित करदे होई विदेश मंत्रालय च आर्थिक सरबंधें आहले सचिव दम्मु रवि होरें आखेआ जे प्रधानमंत्री नरेन्द्र मोदी होरें आलमी सतह दिं संस्थाएं ते संगठनें च सुधारें दी फौरी जरूरतै पर जोर दिता ऐ। इक सत्र गी संबोधित करदे होई प्रधानमंत्री होरें आखेआ जे संयुक्त राष्ट्र सुरक्षा काउंसल, अंतर्राष्ट्री मुद्रा कोष ते विश्व बपार संगठन जनेय इदारें च मजूदा समें दिं जरूरतें

मूजब लोडचदे बदलाव फौरी तौर पर कीते जाने चाईदे ना। सचिव दम्मु रवि होरें इब्बी आखेआ जे सम्मेलन दे पैहले ध्याड़े सब्भनें मुल्लखें आसेआ इक-राय कन्नै पहलगाम आतंकवादी हमले दी सखत निंदेआ कीता जाना बी इक बड्डी गल्ल साबत होआ ऐ।

<><><><><><>

BRICS

ब्राजील दे रियो डी जेनेरियो च ब्रिक्स शिखर सम्मेलन दे दुए ध्याड़े अज्ज पर्यावरण, सीओपी-30 ते वैश्विक सेहत बारै इक सत्र लोआया जाह्ग। प्रधानमंत्री नरेन्द्र मोदी होर पर्यावरण सरबंधी कार्रवाई लेई भारत दी गैह्नी प्रतिबद्धता व्यक्त करडन। श्री मोदी भारत दे लोकें ते धरतै दे विकास लेई कीते गेदे जतनें दे बारै च बी विस्तार कन्नै जानकारी देडन। प्रधानमंत्री अंतर्राष्ट्री सौर गठबंधन, आपदा-रोधी बुनियादी ढांचा गठबंधन, जैव ईंधन गठबंधन ते बिग कैट मिशन दी पैहलकदमिणं पर बी चर्चा करडन। शिखर सम्मेलन च जलवायु सरबंधी कम्में लेई पैसा उपलब्ध करोआने पर ब्रिक्स नेताएं दी रूपरेखा दी घोषणा कीती जाह्ग। समाजी रूप कन्नै तय बमारियें दे खात्मे लेई ब्रिक्स सांझेदारी बी शुरू होग। सम्मेलन थमां प्रधानमंत्री मोदी ब्राजील दी राजधानी ब्रासीलिया लेई रवाना होडन। कुसै भारती प्रधानमंत्री हुं'दी पिच्छले 57एं ब'रें च एहू उत्थुं दी पैहली यात्रा ऐ। ब्राजील च भारती राजदूत दिनेश भाटिया होरें दस्सेआ जे प्रधानमंत्री हुं'दी यात्रा दे दरान कल चार समझौता ज्ञापनें पर दस्तख्त कीते जाडन। इंदे च आतंकवाद कन्नै निब्वडने लेई मिलियै कम्म करना, गुप्त सूचनाएं दा आदान-प्रदान करना ते नवीकरणी ऊर्जा ते कृषि अनुसंधान च सैह्योग शामिल ना।

<><><><><><>

US Prez

अमरीकी राष्ट्रपति डॉनल्ड ट्रंप होरें चेतावनी दिती ऐ जे उं'दा प्रशासन, ब्रिक्स दी अमरीका बरोधी नीतियें दे रूप च इकजुट होआ करदे मुल्लखें उप्पर 10 फीसद दा बादू शुल्क लाग। इक सोशल

मीडिया पोस्ट च ट्रंप होरें आखेआ जे इस नीति च कोई छूट नेई दित्ती जाह्ग। अमरीका आसेआ शुल्क च बाद्दा कीते जाने सरबंधी ब्राजील, रूस, भारत, चीन ते दक्खन अफ्रीका दे समूह ब्रिक्स आसेआ निंदेआ कीते जाने दे बाद ट्रंप होरें एह टिप्पणी कीती ऐ। ब्राजील च होई दी बैठक च इस समूह नै ईरान पर हाल दे अमरीका ते इजरायल दे हमलें दी बी निंदेआ कीती। तोआई, ट्रंप होरें ऐलान कीता ऐ जे दुनिया भरै दे मुलखें कन्नै अमरीकी शुल्क दी चिट्ठी ते समझौते अज्जै थमां सुपुर्द कीते जाडन। मता शुल्क लाने पर ट्रंप प्रशासन दा 90एं दिनें दा विराम बुधवारें खत्म होआ'रदा ऐ।

<><><><><><>

Defence Min Op Sindoor

रक्षा मंत्री राजनाथ सिंह होरें आखेआ ऐ जे हाल च गै ऑपरेशन सिंदूर दे दरान भारत दे घरेलू उपकरणों दी प्रदर्शन क्षमता नै स्वदेशी रक्षा उत्पादें दी वैश्विक मंग गी बड़ा बधाई दित्ता ऐ। नमीं दिल्ली च अज्ज नियंत्रक सम्मेलन गी संबोधित करदे होई श्री सिंह होरें आखेआ जे भारत दे रक्षा खेत्तर च बेशुमार संभावनां ना। उंनें इब्बी आखेआ जे प्रधानमंत्री नरेन्द्र मोदी हुं'दे नेतृत्व च भारत नै रक्षा खेत्तर च बड़ी आत्मनिर्भरता हासल करी लैती ऐ। श्री सिंह होरें आखेआ जे बदेशें थमां आयात कीते जाने आहले मते सारे रक्षा उपकरण हून देशै च गै बनाए जा'रदे ना। श्री सिंह होरें आखेआ जे अमरीका ते यूरोपी देशें सने लगभग सब्भै प्रमुख मुलख अपने रक्षा खर्च च तेजी कन्नै बाद्दा करै करदे ना। उंनें आखेआ जे भारत सने पूरा विश्व परतियै थेह'ारबंद होने दे इक नमें दौर शा लंग्घा करदा ऐ। श्री सिंह होरें दस्सेआ जे रक्षा मंत्रालय दा बजट देशै च सब्भनें शा मता ऐ। रक्षा मंत्री होरें आखेआ ऐ जे हाल च गै सरकारै शोध, विकास ते नमिएं काहडें - आरडीआई योजना गी मंजूरी दित्ती ऐ। श्री सिंह होरें आखेआ जे इक्क लक्ख करोड़ रुपें दी इस योजना दा मकसद उच्च स्तरी परियोजनाएं गी बढ़ावा देना ते महत्वपूर्ण तकनीकें गी हासल करना ऐ। इं'दे च रक्षा खेत्तर गी बी प्राथमिकता दित्ती गई ऐ।

<><><><><><>

G Kishen Reddy

कोयले ते खान्नें सरबन्धी केन्द्री मंत्री जी. किशन रेड्डी होरें आखेआ ऐ जे केन्द्र सरकार ने खान्नें सरबन्धी खेत्तर दे विकास, जन कल्याण ते पर्यावरण संरक्षण लेई केई महत्वपूर्ण सुधार कीते ना। श्री रेड्डी अज्ज जयपुर च 7 सितारा ते 5 सितारा रेटिंग हासल खान्नें सरबन्धी इक सम्मान समारोह गी संबोधित करे करदे हे। श्री रेड्डी होरें आखेआ जे सरकार दिएं नीतियें च खान्नें दे आले-दोआले रौहने आहले लोकें ते खान्नें च कम्म करने आहले मजूरें दे हितें दी राक्खी बी जकीनी बनाई गई ऐ।

<><><><><><>

SC Bihar

सर्वोच्च अदालतै अज्ज बिहार च मतदाता सूचियें दी विशेष नजरसानी दे चुनां आयोग दे फैसले गी चुनौती देने आहली याचिकाएं पर सुनवाई करने पर सैह्यति देई दिती ऐ। मामले दी सुनवाई औंदे वीरवारें होग। चुनां आहले राज्य च मतदाता सूचियें दी बशेश नजरसानी दे तरीके ते समें गी लेइयै आयोग दी गैहू गी सर्वोच्च अदालतै च चुनौती दिती गई ही।

<><><><><><>

Agriculture Minister

कृषि ते करसान कल्याण मंत्री शिवराज सिंह चौहान होरें देशे च मक्क दी खेती गी बढावा देने लेई मते हितधारकें आहला नजरिया अपनाने दा आहवान कीता ऐ। उ'नें इस गल्लै पर जोर दिता जे इस लक्ष्य गी पूरा करने लेई राज्य ते केन्द्र सरकार दे वैज्ञानिकें, करसानें, कृषि युनिवर्सिटिएं ते उद्योगें गी मिलियै कम्म करना लोडचदा ऐ। श्री सिंह होरें अज्ज नमीं दिल्ली च फिक्की दे मक्क सरबन्धी 11में भारत शिखर सम्मेलन गी संबोधित करदे होई एहू गल्ल आखी। इस मौके पर श्री सिंह होरें मक्क दी खेती च उ'ंदे असाधारण योगदान लेई करसानें गी सम्मानित बी कीता। श्री चौहान होरें इक राष्ट्र, इक कृषि ते इक

टीम दे विचार पर केंद्रित दल बनाने पर जोर दित्ता। उ'नें फिक्की कन्नै व्यापक चर्चा करने ते ऐसी सिफारिशां देने दा बी आग्रह कीता, जेहिडियां करसानें दे कन्नो-कन्नी होरनें हित-धारकें दी बी मदाद करी सकन।

<><><><><><>

RSS Meeting

राष्ट्रीय स्वयंसेवक संघ ने आखेआ ऐ जे मणिपुर दे हालात बल्लें-बल्लें सामान्य होने दे संकेत मिला करदे न। संघ दी अखिल भारती प्रांत प्रचारक बैठक दे समापन दे बाद अज्ज नमीं दिल्ली च अखिल भारतीय प्रचार प्रमुख सुनील आंबेकर होरें आखेआ जे पिछले ब'रे दे मुकाबले च इस ब'रे मणिपुर च हालात मते सामान्य होआ करदे न। उ'नें आखेआ जे एह शांति दी शुरुआत ऐ ते दौनें पक्ख गल्लबात करै करदे न। श्री आंबेकर होरें आखेआ जे त्रै दिनें दी बैठक च मुख रूप कन्नै त्रै बिंदुएं पर चर्चा कीती गई। बैठक च संघ दे कम्मै दे विस्तार पर गल्लबात हेई ते संघ दे औंदे शताब्दी ब'रे गी लेयै बी विचार बटांदरा होआ। उ'नें आखेआ जे पूरे देशै थमां आए दे सब्भनें प्रांत प्रचारकें अपने इलाकें दी स्थिति, अपने अनुभव ते अपने जतनें दे बारै च जानकारी दित्ती। श्री आंबेकर होरें आखेआ जे पिच्छले 25एं ब'रें च संघ दे कम्म दा बडा मता विस्तार होआ ऐ। उ'नें आखेआ जे हून मुख भरै च मते सारे घरें, ग्रांएं ते शैह्नी बस्तियें तगर संघ दे पुज्जने दी योजना बनाई गई ऐ। भाषा दे मुद्दे पर श्री आंबेकर होरें आखेआ जे संघ दा सदा एह मन्नना ऐ जे सब्भै भारती भाषां राष्ट्री भाषां न। उ'नें आखेआ जे लोक अपने इलाके च मती बोली जाने आहली भाषा बोलदे न ते प्राथमिक शिक्षा बी उस्सै भाषा च दित्ती जानी चाहिदी ऐ।

<><><><><><>

Web Portal

मुलखै च करोआई जाने आहली मरदमशुमारी दे दरान आपूं अपनी लेई इक समर्पित वेब पोर्टल उपलब्ध होग। एह पोर्टल जनगणना-2027 दे दौनें चरणें लेई उपलब्ध होग। सोशल मीडिया पोस्ट च भारत दे महापंजीयक ते जनगणना आयुक्त होरें आखेआ ऐ जे एह देशै दी पैहली डिजिटल मरदमशुमारी होग। डेटा अंग्रेजी, हिंदी ते इलाकाई भाषाएं च मोबाइल ऐप दा इस्तेमाल करियै किट्टा कीता जाहग। सरबंधत निगरान, डेटा संग्रह लेई अपने मोबाइल उपकरणें दा इस्तेमाल करडन। जनगणना-2027 लेई राजपत्र अधिसूचना पिच्छले म्हीने जारी कीती गई ही। सब्भनें राज्यें ते केंद्र शासित प्रदेशें गी अपने राज्य राजपत्र च एहदी अधिसूचना परतियै प्रकाशित करने ते मरदमशुमारी लेई नोडल अधिकारी नियुक्त करने लेई आखेआ गोआ ऐ। मरदमशुमारी द'उं चरणें च आयोजित कीती जाहग। पैहले चरण च, आवास सूचीकरण ते आवास गणना अप्रैल 2026 थमां शुरू होग, जदके दुए चरण च मरदमशुमारी कीती जाहग।



Tourism-Meet

केंद्री सैलसफा मंत्री गजेंद्र सिंह शिखावत होरें आखेआ जे पहलगाम आतंकवादी हमले करी सैलसफा गी नुकसान होआ हा पर हून बल्ले-बल्ले सैलानिएं दी आदम च बाद्दा होआ'रदा ऐ। केंद्र सरकार आसेआ विश्वास बहाली दे जेडे जत्त कीते गे न, ओहदे खरे नतीजे औने आहले दिनें च दिक्खने गी लब्भडन। एह गल्ल शिखवत होरें श्रीनगर च राज्यें दे सैलसफा सचिवें दी 2 रोजा बैठक गी संबोधित करदे होई आक्खी। उनें जोर देइयै आखेआ जे सैलसफा आत्मनिर्भर भारत आहले नजरिए गी साकार करने च महत्वै आहली भूमिका निभाई सकदा ऐ। उनें सारे राज्यें गी आखेआ जे ओह कश्मीर गी सुरक्षित सैलसफा आहली थाहर दे तौर पर बढ़ावा देन ते इसी विश्व स्तरीय आकर्षण दे केंद्र दे तौरा पर विकसित करने लेई नमे-नमे विचार ते सुझाऽ बी देन।



LG-Sidh Lakshmi

उपराज्यपाल मनोज सिन्हा होरें पाकिस्तान पर दोष लाया जे ओहू खित्ते दी विकास जात्तरा गी पटरी थवां हेठ आहनेने दी कोश्ट करा'रदा ऐ। उनें आखेआ जे पाकिस्तान समुदायें बश्कार दे सौहार्द गी बी जोफ पजाने दी कोश्ट करा'रदा ऐ। एहू गल्ल उनें Larkipora दे लोकसभा च तीर्थराज सिद्ध लक्ष्मी पीठ ट्रस्ट आसेआ आयोजित धार्मिक कार्जक्रम गी संबोधित करदे होई आक्खी। एल.जी होरें पाकिस्तान गी आतंकवादिगं दा समर्थक मुल्ख करार दित्ता। उनें आखेआ जे ओहू जम्मू-कश्मीर आसेआ पिछले 5 ब'रें च कीती गेदी प्रगति गी पचाई नेई पा'रदा ते उसी पिच्छे खिच्चने दी कोश्ट करा'रदा ऐ। उनें आखेआ जे दुश्मन दे भैडे मंसूबे दा जवाब किट्टे रलिए ते एकता कन्नै दित्ता जाई सकदा ऐ। उनें आखेआ जे प्रशासन दा मकसद शांति ते खुशहाली ऐ ते एहू लक्ष्य लोकें दे सक्रिय समर्थन कन्नै गै संभव होई सकदा ऐ।

<><><><><><>

Delhi Weather

राजधानी दिल्ली दे किश हिस्सें च अज्ज बड्डुलै हल्की बूदा-बांदी होई। हालांकि दपैह्नी'लै लोकें गी गर्मी बी झल्लनी पेई ऐ। मौसम विभाग मूजब अज्जै दा बद्धोबद्ध तापमान 33 इशारिया 9 डिग्री सेल्सियस दर्ज कीता गेआ। उत्थे गै, घट्टोघट्ट तापमान 25 इशारिया 5 डिग्री सेल्सियस रेहा। मौसम विभाग मूजब अगले 24 घँटे दे दरान राष्ट्रीय राजधानी आहले खेत्तर च सामान्य तौर पर बहल छाए दे रौहने ते हौली थमां दरम्याने दर्जे दी बरखा बरने दी मेद ऐ। उत्थे गै, कल्लै दा बद्धोबद्ध तापमान 32 डिग्री सेल्सियस ते घट्टोघट्ट तापमान 25 डिग्री सेल्सियस दे कोलकाल रेई सकदा ऐ।

<><><><><><>